

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 11

-- NOVEMA 1949 --

MAT. 36.

E PARAU NA TE PERESITENI NO TE EKALESIA

TE TAHI MAU TAPAO FAA ARA.

E Mea huru peapea vau ia haamana'o vau i te mau faa-hemaraa te vai noa nei i teie nei. Te haamana'o nei au i te tau a taiva'i o Iseraela tahito ra; ua haamori ratou i te mau idolo. Ua faaroo ratou i te mau mea i au maitaihia e te taata ra, area e mau mea haavare ana'e ia. E i te hopea ua haamouhia ratou.

Te vai atoa nei tatou i roto i te reira mau huru fifi ra, mai te mau nunaa atoa tei ora a'enei i nia i te fenua nei, maori râ ia faaroo tatou i to tatou Metua i te ao ra. O Oia ana'e te reo, e te mau haapiiraa ta te mau taata ta'na i faatere, o te mau haapiiraa ana'e ia te au ia peehia e tatou ma te peapea ore.

Ua ite tatou e, te vai ara noa nei to tatou enemi. Mai te mea e tia ia'na ia haavare i teie u'i apî e haere mai nei, mai te mea e tia ia'na ia tuu i te mau apoo i mua i to ratou taa-hiraa avae ra e ia marei ia ratou i roto i te ino ra, ua manuia ia to'na mau hinaaro e ua tupu ia to ratou hi'araa ra.

Te ora nei tatou i roto i te hoê tau fifi roa. E au e te tupu nei te mau parau mo'a i papaihia ra: e au e ua tupu te tau e *tae noa'tu e vare te feia i maitihia ra, ahiri i tia.*

E mea ohie roa, no te mau feia te hinaaro nei i te faarahi i ta ratou mau faufaa i roto i teie nei ao, no te vaiiho i te mau haapiiraa papu a te Fatu no nia i to ratou oraraa. E ua mae-re roa vau i te ohie o te tahi mau taata i te mairi i te faarooraa i te mau feia te haapii mai i te mau mea tei huru ê atu i te parau heheu a to tatou Metua i te ao ra.

No te rahi o te moni e roaa noa mai na roto i te ohie, te mana'o nei te tahi mau taure'are'a e, no te mea e noaa ohie noa te moni aita'tura i titauhia te parau-tia. E noa'tura i te reira te mauruuru nei au i te iteraa e, aita roa te hoê nunaa, tei ora i nia i te fenua nei e tei ore i imi i to ratou oraraa na roto i te parau-tia e te ohipa, i ore i topa i roto i te faufaa ore.

Mai te mea e paari ta tatou mau tamarii i roto i te faatau, ua ite tatou e ere ia te reira i te mea au i mua i te aro o te Fatu.

E mea tia roa ia faaitoito roa i te haapiiraa i te parau-tia e te oraraa maitai i teie u'i e haere mai nei. E ere roa i te mea tia ia vaiiho tatou na te mau fare haapiiraa, e te mau ohipa e ravehia i rapae i to tatou mau utuafare, e haapii atu i ta tatou mau tamarii tamaroa e ta tatou mau tamarii tamahine i nia i te mau maitai no te oraraa nei.

Mai te mea eita tatou e haapii atu ia ratou i te mo'araa o to tatou nei mau tino, mai te mea eita tatou e titau nei i te faatupu i roto ia ratou te hinaaro ia faatupu i to ratou huru maitai roa ra, mai te mea eita tatou e imi i te mau ravea no te faaiteraa'tu i te mau peapea ta ratou e farerei i roto i to ratou farereiraa i te mau ino te tupu noa nei i nia i te taata nei, eita roa'tu tatou e faatiamâhia, ia parau noa'tu tatou e, aita tatou i ite i te rahi o te reira.

Ua faaara te Atua ia tatou e, e mea tia ia haapii atu tatou i ta tatou mau tamarii ia pure e ia haere ma te afaro i mua i to'na ra aro. Ua horoa mai Oia i te mau Orometua mai te au i to'na ra aau o tei haapii mai ia tatou, i tera tau e i tera tau, i te mau mea te tia ia ravehia e tatou ra.

Mai te mea e haapao ore te tahi pae o to tatou mau utuafare i te mau mea o te Atua ra, e ite ihoa tatou e tae mai te oto i roto i to ratou oraraa, i teie nei, e a ore râ, a muri atu; e mai te mea e tae mai te oto i roto i te oraraa o ta tatou mau tamarii e mea tia roa ia amui atu tatou i roto i to ratou oto e to ratou tatarahaparaa.

E mea tia roa ia rahi roa'tu ta tatou haapiiraa i ta tatou mau tamarii, i roto i to tatou mau utuafare, i te mau parau mau ta te Atua i faaite papu mai, o te au maitai hoi no to tatou oraraa mure ore ra.

Eaha te huru o te faufaa rahi i te oraraa i roto i te hoê tau mai teie nei! Aita â i horoahia mai, i te taata nei, te mau manuiaraa mai i teie nei. Area, i te reira manuiaraa, e te reira mau haamaitairaa, te vai atoa ra te mau faahemaraa. Te vai nei te reira i te mau vahi atoa ra. Eiaha roa tatou e parau e, ua manuia ihoa tatou, ia vai ara noa ra tatou e tia'i. E mea tia roa ia ite tatou i te rahi o te ohipa e vai nei i roto i to tatou mau rima, te mau metua tane e te mau metua vahine, no te parururaa i te oaoaraa o to tatou u'i apî ra.

Te tiaturi nei au e te pure nei hoi au ia riro tatou, i roto i to tatou tiaraa melo no te Ekalesia, ia itoito roa tatou i roto i te mau tau e haere mai nei, maita tatou i itoito i te mau tau i mairi a'enei ra, e ia hau roa'tu to tatou haapao maitai i ta tatou i rave a'enei no te parururaa i to tatou u'i apî i te mau huru ino atoa ra.

Tihoti Arapera Semita.

papu i to te Atua faatereraa i te mau mea atoa, o tei riro ei tapao faaite no te Cherisetiano mau.

Te pure nei o te tapao ia no te taata faaroo papu. Ua haapii mai o Iesu e nahea tatou ia pure e ua titau oia ia pure tatou, i roto i to tatou mau utuafare e i te vahi moemoe atoa, no te tiaororaa'tu i te Metua na roto i to'na ra i'oa. Teie te hoê o te mau mea te horoahia i te taata te pure ma te aau tae mau, ua faaitehia te reira i teie nei mau parau rii: *A tamau outou i te pure ia ore outou ia roohia i te faahemaraa no te mea te titau nei o Satane ia outou ia tia ia'na ia titia ia outou mai te sitona ra.* No reira e riro te pure ei paruru i te mau faahemaraa. Te papai nei te tahi tei farii i te reira tapao, *E avau atu te pure i te hara; e avau atu te hara i te pure.*

I te tahi mau taime ua parauhia e, ua riro te aufauraa i te tufaa ahuru ei tapao no te taata faaroo mau i te Mesia. E riro paha te feia te aufau nei i te tufaa ahuru aita ratou e haapao maitai nei i te tahi mau ture. Area ra, ua riro te aufauraa i te tufaa ahuru ei faito mau no to tatou faaroo. Ia aufauhia te taatoaraa o te tufaa ahuru ra o te tapao mau ia te reira no te faaroo mau.

Te maitai te tupu mai na roto i te oraraa maitai e riro atoa ia te reira ei tapao no te taata faaroo papu mau. Ua rave rahi te taata tei parau e, ua faarahi roa hia te haapaoraa i te PARAU PAARI i roto i te Ekalesia nei, area râ, te feia tei haapao mau i te reira, eita roa'tu ratou e parau noa a'e no te te reira. E faaatea te viiviiaraa i te oraraa maitai no te mea eita roa te varua o te Atua e parahi i roto i te hiero viivii. Oia hoi, e tauturu te oraraa viivii ore i te varua o te Atua, e na roto i te reira e haamo'ahia tatou. Eita roa te mea viivii e tae atu i mua i te aro o te Atua.

E tia noa tatou ia parau noa'tu no nia i te reira mau huru parau. Ua rahi roa te mau tapao no te feia faaroo mau. E tia ia tatou ia oaoa i te reira mau tapao. Mai te mea e navai to tatou faaroo ia apeehea tatou i te reira mau tapao, e tauturu ia te reira ia tatou ia oaoa i te hoê oraraa tei i maitai.

TE TAHOERAA O TE MANA'O E TE OHIPA

NO te mea aita o Iseraela i rave i te ohipa i faataahia na ratou, e no te mea aita atoa te mau Feia Mo'a i tahito ra i haapao atoa i ta ratou ohipa, te tamata nei te Feia Mo'a no te Mau Mahana Hopea Nei i te faaoti i te reira, e eita te reira e oti ia tatou maori râ ia riro tatou ei hoê, mai to te Metua riroraa ei hoê e ta'na Tamaiti, e ia na reira tatou e ite ia to te ao e mea tonohia tatou e te Atua. Mai te mea te vai ra te amahamaha i rotopu ia tatou; mai te mea ua amahamaha tatou i te pae varua, e a ore râ, i te pae tino, eita roa ia tatou e riro ei nunaa mai te au i te hinaaro o te Atua, e eita atoa tatou e riro ei mauhaa, i roto i To'na rima, no te faatiaturiraa i to te ao nei e, ua faaho'ihia mai te Autahu'araa Mo'a, e te vai nei ia tatou te Evanelia mure ore.

Ei ravea no te faatupuraa i te mau hinaaro o te Atua, e mea tia roa ia rave tatou i tei ravehia e Iesu iho, oia hoi, te tuuraa i to tatou mau hinaaro i raro a'e i te hinaaro o te Atua, eiaha râ i roto i te hoê noa iho mea, i roto i te mau mea atoa ra e ia ora tatou i te hoê oraraa ia tia i te hinaaro o te Atua ia vai noa i roto ia tatou ra.

Papaikia e, John S. Morgan.

E Mea Nahea To Te Ohipa O te Feia I Pohe Ra Faatupuraa I Te Hau I Nia I Te Ao Nei?

E Mea maere mau ia hi'ohia ra, te heheuraa matamua tei fariihia e te Peropheta ra o Iosepha Semita, i muri a'e te orama matamua ta'na i ite ra, o te parau ia no to ohipa te tia ia ravehia no te feia i pohe ra. I roto i te faaho'iraahia mai o te evanelia no te hau ra, ua faarahihia te

parau no te faaoraraa o te mau taata atoa ra! E ere roa te reira i te hoê haperaa.

I roto i te arui no te 21 no Setepa 1823 ua fâ mai o Moroni, te hoê Peropheta tahito o te Ati Nephi tei tia-faahou-mai, mai te pohe mai. Ua haapii mai oia i te mau mea atoa te tia i te peropheta maiti-apî-hia ia rave—te tia ia faaho'ihia mai te evanelia e te mau ravea no te faaotiraa i te reira. I roto i ta'na mau parau ua pinepine roa to Moroni faahitiraa mai i te mau parau i papaihia i roto i te Bibilia ma te tau'i ore i te reira, maori râ i te hoê taime. Ua tai'o mai oia i te irava 5 e te 6 no te pene 4 o te buka a Malachi ma te faahuru-ê-raa mai tei papaihia i roto i te Tufaa 2 o te Buka Fafau. Teie to raua tai'oraa:

Inaha, e heheu atu vau ia outou, na roto i te rima o te Peropheta ra o Eliaha, te Autahu'araa hou te taeraa mai o te mahana rahi ri'ari'a o te Fatu ra.

E e tanu oia i roto i te mafatu o te mau tamarii te mau fafau i fafauhia'tu i te mau metua ra, e e fariu mai te mafatu o te mau tamarii i to ratou ra mau metua.

E ia ore noa'tu te reira e tupu e tairihia ia te fenua nei i te ino rahi i te mahana o to'na ra taeraa mai.

Na te reira parau poto i faaite mai i te mau ohipa te tia ia ravehia i roto i te mau hiero a te Fatu ra. Te faaite papu maira te reira e, ia ore noa'tu te ohipa a te Fatu e oti—e faano-roa-hia te fenua i te taeraa mai o te Fatu ra. Aita'tu e parau te haapapu mai i te faufaa rahi o te reira ohipa.

A taa-ê-atu ai te ohipa e ravehia no te feia i pohe ra, e te tautururaa hoi i te faaotiraa i te opuaraa a te Fatu ra, no te taata nei, e mea papu e rave atoa te reira i te hoê ohipa puai e te maitai hoi i nia i te feia te rave atu i taua ohipa ra. E ohipa tauturu mau te ohipa e ravehia, i roto i te Hiero, no te mau feia i pohe ra. Aita roa te feia e rave nei i te ohipa i ro-

to i
nei
tahi
ru o
taim
faao
i te
to ta
tei r
E a
re o
mau
roto
huru
nelia

O
no te
ta te
ao ne
oia h
e hau

Ait
Fatu

Ua
i te ta
ha te
te vai
vetah
tahi r
a para

Ua
ei tun

to i te mau Hiero i ite e, o vai teie mau taata ta ratou e rave nei i te ohipa no ratou, no te mea ua ora ratou i te mau matahiti e rave rahi i mairi a'enei. Aita paha tatou i ite i te huru o to ratou oraraa. Noa'tu ra i te reira te haapauhia nei te taima, e te moni, no te raveraa i te ohipa te au no to ratou faaoraraa, oia hoi, te mau ohipa te ore e oti, ia ratou, i roto i te ao varua ra. Te rave nei tatou i te ohipa, no ratou, mai to tatou hinaaro ia rave ratou i te te ohipa, no tatou, ahiri tei roto tatou i te ao varua ra, e o ratou ra, i nia i te ao nei. E a rave pinepinehia'i taua ohipa ra, te haere noa nei te here o te mau feia e rave nei i te reira i te rahiraa i to ratou mau taata tupu, e te riro nei ratou ei mau taata maitai roa i rotopu i to ratou ra mau hoa. Te fatata noa nei ratou i te huru mau o te Atua o tei riro ei hopea mau no teie nei Evanelia.

O te reira mau te huru taata te tia ia faaineine i te ao nei no te taeraa mai o Iesu Mesia ra. O te reira ana'e huru taata te tia ia haru i te hau e ia faaho'i i te reira hau i nia i te ao nei te hiaai noa nei i te hau ra. O ta te ao nei e tia nei, oia hoi, te feia nounou ore, ia ore ana'e ratou ra, aita roa ia e hau faahou.

Aita anei te reira i faaitetia i roto i te parau faaite a te Fatu ra o Iesu Mesia?

Ua tupu noa te peapea i nia i te ao nei. Ua na reira atoa i te tau o Iesu ra. Ua teiaha roa te zugo a to Roma e ua amaha te huiraatira i te pae faaroo, e i te pae politita atoa hoi; te vai ra te inoino rahi roa tei tupu na roto i te faufaa rahi a vetahi ra e te vêtê rahi o vetahi ra, e te mau'a e te ite o vetahi ra. Aita roa te hau i vai i nia i te fenua Mo'a ra i te tau a parahi ai te Faaora i reira.

Ua riro te imiraa i te mau ravea, no te faaoreraa i te reira, ei tumu parau, eiaha i Ierusalem ana'e ra, i roto atoa ra i te

mau oire nainai o te fenua ra, i rotopu hoi i te huiraatira noa ra e i te mau rabi ra hoi.

Ua tuuhia te reira mau uiraa atoa, ma te hunahuna ore, e te mau pîpî o Iesu ra, e i te tahi mau taime ua na reira atoa-hia e to'na ra mau enemi. I te tahi mahana ua haere mai te hoê o to'na mau enemi no te uiraa mai ia'na ma te mana'o e, e haamau oia ia'na, te taata tei parau e, o oia te Mesia, o tei faaarepurepu i te huiraatira i roto i te patoiraa'tu i te mau peu i matauhia ra. I roto i te mana'o o te taata ui ra, e ere i te pahonora a ohie te horoahia mai, maori râ te hoê pahonora fifi roa te marei ia Iesu i roto i te hoê upea.

E Rabi, teihea te parau rahi i roto i te ture? Ua parau atu-ra Iesu, Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti; E aroha'tu oe i to taata tupu, mai to aroha ia oe iho na. Te ture atoa e te mau peropheta, tei teie nei ia pue ture e piti nei.

I roto i ta'na parau papu e te ohie roa e pahonora a te reira te ore roa e tia ia patoihia.

Ua ani mai te ture a Mose ia here te taata i te Atua mai to ratou puai atoa ra. Ua papu ihoa te reira. Area te vai ra te hoê titauraa i roto i te pahonora a. Oia hoi, ia here te taata i to'na taata tupu mai to'na here ia'na iho ra. Aita â te reira i haroaroa-maitai-hia. Eita anei e tia ia haapaohia te reira? Mai te au i te huru o te orara a o te taata nei e mea huru tapitapi te reira. Noa'tu râ i te reira ua parau o Iesu no Nazareta, taua taata Galilea ra e, taua na ture e piti ra, oia hoi, te herera a i te Atua e te herera a i to'na taata tupu, o te haapoto raa ia i te mau ture atoa o te evanelia e te mau parau atoa a te mau peropheta.

Aita te Fatu i vaiiho i te taata i roto i te papu ore e mea nahea to te taata herera a'tu i to'na taata tupu mai ia'na iho

ra. Ua parau oia:

E te mau mea atoa ta outou i hinaaro ia vetahi ê ra, e na reira atoa'tu outou ia ratou; o ta te ture ia e ta te mau peropheta.

E inaha ua haere â te Fatu na roto i te mau fifi ta te taata i faatupu na roto i te hoê ravea ohie roa. E ere paha i te mea fifi roa i te haapii e, e mea nahea i te hereraa'tu i te taata tupu mai to tatou here ia tatou iho nei!

O te ravea te reira, no te ra'i mai, no te faaoreraa i to te taata nei mau peapea e to'na mau fifi. O te reira ana'e te hinaaro te tia ia ravehia no te titauroa i te mau mea i hinaarohia ra—e faufaa ore roa te tahi atu mau ravea.

E titau te ohipa no te feia i pohe ra i te hoê nounou-ore-raa e na te reira e haapii i te taata ia feruri ia vetahi ê ra e ia tavini atu hoi ia ratou. Na te reira huru haapiiraa e faatae mai, i roto i te oraraa o te mau mahana atoa, te faito auro ra. Na te reira e faatupu e e faatono i te hoê pūpū o te mau tamarii a te Atua o te riro ei aratai no te faataeraa mai i te hau i nia i te ao peapea nei.

O te reira te faufaa rahi te noaa mai na roto i te raveraa i te ohipa no te mau feia i pohe ra. E faafariu atu te reira i te taata, mai te inoino, i te here. O te hoê ia tufaa o to tatou hopea. Eiaha tatou e vaiiho ia mo'e noa te reira! O te reira te hoê o te mau horoaraa matamua a te Fatu i to'na mau taata o te tau hopea nei; e na te reira e faaite i to'na fariiraa i ta tatou ohipa i nia i te fenua nei.

Faaauhia ei reo Tahiti e Marcel Bonnet.



TE AROHA

Ua faaite mai te Fatu, ia tatou paatoa, i na ture rahi e piti, oia hoi, ua parau mai o Iesu e, *Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti; E aroha'tu oe i to taata tupu, mai to aroha ia oe iho na.* [Mataio 22:37-39]

E homa e, e tau mau taeae e tau mau tuahine, e tau mau hoa atoa, ua tia roa ia tatou, tei parahi i te ao nei, ia haapao atoa i teie na ture rahi e piti no te mea, i to'u iho hi'oraa i te ao nei, te peapea noa nei e te taparahi noa nei te taata, te tahi i te tahi, no reira ua tia roa ia haapao tatou i teie na ture e piti ra.

Mai te mea te aroha'tu nei, te tahi i te tahi, e riro ia te reira ei faufaa no te mau taata atoa. Elita e tia ia tatou ia ora noa iõnei ma te haamana'o noa i te ora a muri atu, maori râ ia aroha'tu tatou i to tatou mau taata tupu, no te mea ua ite papu roa vau e, e tae tatou i reira e e mea tia roa ia haamatau tatou ia tatou iho i teie na ture rahi iõnei, no reira, te hinaaro nei au i te faaite atu ia outou paatoa i to'u nei aroha na roto i teie nei mau parau. Ua ite papu roa vau e, o teie ia te Ekalesia mau a Iesu Mesia e ua ite atoa vau e, aita te hoê taata i faaite mai te reira ia'u, area râ ua faaitehia râ vau i te reira e te mana o te Varua Maitai, mai te au i te faaiteraa a Moroni i roto i ta'na parau faaite tei papaihia i roto i te Buka a Moromona tei na ô mai e:

E teie ta'u a'o ia outou na, ia itea teie nei mau parau ia outou, e ui atu i te Atua, i te Metua Mure ore ra, i te i'oa o Iesu Mesia e, e parau mau anei teie mau parau, e aore anei; e ia ui atu outou ma te aau hinaaro mau, ma te mana'o papu, e ma te faaroo i te Mesia, na'na ia e faaite mai i te parau mau na roto i te mana o te Varua Maitai. (Moroni 10:4)

Papaihia e: Don H. Heindricks (Holisa)

NA ROTO I TAUUA MANA IHORA

TE faaroo nei tatou i te parau no te mau tamarii tei fanaubia i roto i te Ekalesia. Oia mau, ua fanaubia te mau Feia Mo'a No te Mau Mahana Hopea Nei i roto i te Ekalesia, e hoê noa iho fanauraa e vai nei o te faatia ia ratou i roto i te Ekalesia, e taua fanauraa ra o te bapetizoraa ia—te fanauraa i te pape e te varua. Na te reira e faatia ia ratou ia tomo i roto i te Ekalesia a te Mesia e ia tapao ia ratou ei tamarii na te Atua.

Aita'tu e ravea ê atu e vai nei no te horoaraa ia ratou i te reira huru fanauraa.

Ua faaite o Napoleon, taua taata tuiroo no te ohipa tama'i e, noa'tu e ua pohe te Faaora hoê tauatini e e vau hanere matabiti i mua a'e ia'na ua mau roa, i roto i te aau o te taata, te ohipa ta'na i rave, e noa'tu aita te hoê taata i ite ia'na, i roto i te mau tenetere e rave rahi, te vai mana noa ra ta'na ohipa mo'a i roto i teie nei ao.

Hoê atoa ia te huru o te Feia Mo'a no te Mau Mahana Hopea Nei, i teie nei mau mahana. Ua rave rahi te mau tauatini taata tei haaputu i teie nei vahi, i Utaha nei, no te mau vahi atoa ratou o te ao nei. E mea iti roa te feia e ora nei tei ite mata i te Peropheta ra ia Iosepha Semita; area, na roto i te mana o te Atua ua mau roa i nia i te mau taata te ite e e Peropheta mau oia na te Atua, noa'tu e aita roa ratou i ite mata atu ia'na.

No te aha? No te mea te vai nei te parau faaite, i roto i to tatou aau, mai tei vai i roto ia Petero a ui atu ai te Fatu ia'na, *O vai ra vau nei i ta outou na parauraa? Ua parau maira Simona Petero, na ô maira, O te Mesia oe, te Tamaiti a te Atua ora ra. Ua parau atura Iesu ia'na, na ô atura, E ao to oe e Simona Bare-iona, e ere ta te taata i faaite mai ia oe i te reira, na tau Metua ra i te ao ra.*

Ua noaa mai ia Petero te heheuraa, no ô mai i te Metua ra, e o Iesu ra, o te Mesia mau ia. Na roto i taua mana mau ra te faaite atoa'tu nei matou e, o Iesu ra, o te Mesia mau ia, e taua Peropheta ra o Iosepha Semita, e peropheta mau ia oia na te Atua.

E i to tatou tiaraa nunaa aita tatou i ite mata i to tatou Faaora e aita atoa tatou i parau atu ia'na, te vaha i te vaha; ua noaa te reira hanahana i to tatou mau peropheta mai te au i to te Atua hinaaro; area râ, ua farii te mau Feia Mo'a te titiro e te mana no te Varua Maitai; e noa'tu e aita ra-

tou i ite mata'tu i te Fatu, te mata i te mata, te parau nei ratou e, o Iesu ra o te Mesia mau ia.

Nahea? Na roto i te mana o te Atua ora e na roto i te ite o taua Varua Maitai ra ta'na e horoa i te mau taata atoa tei hinaaro mau e tei faaroo mau. No reira, te mau Feia Mo'a tei haapao mau i te Evanelia te ite nei ratou e, o Iesu ra, o te Mesia mau ia oia e taua Iosepha Semita ra, e peropheta mau ia oia na te Atua ora.

Papaihia e: Seymour B. Young.

TE RAVERAA I TA VETAHI Ê E RAVE RA.

UA na ô mai te hoê taata paari no te tau tahito e: *Te taata te pee atu i te raveraa i te ino ra, e hau atu ta'na ino e rave; e te taata te pee atu i te maitai e iti ihoa te maitai ta'na e rave ra.* Na te reira mau parau e faatupu mai i te feruriraa i roto ia tatou nei.

Teie te otoheraa rahi ta tatou e rave nei, no tatou iho, o teie ia, te ravehia nei e vetahi ê ra, noa'tu aita te reira i tano no tatou. E mea ohie roa tatou i te haapao atu i te ohipa e ravehia e vetahi ê ra mai te mea ua hinaaro ihoa tatou i te rave i te reira. E parau mau roa te reira i to tatou apîraa ra. O te reira te pahonoraa matamua te horoahia mai, ia uihia te hoê tamarii no nia i ta'na mau peu e rave ra, e tuu ratou i te tahi ê atu i roto i te reira ma te parau mai e, *Na'na i haamata i te rave i te reira.* E na roto i te feruriraa hape na mana'ohia e, e riro te hape ei tia. Mai te mea te vai nei te mana'o, i roto ia tatou, te tia nei te mau mea atoa te ravehia nei e vetahi ê ra, e ua au roa ia tatou ia na reira atoa, e mea maitai ia hi'opoa maitai tatou, e faatae te reira huru feruriraa ia tatou i hea. A mana'o na e, ua tia ia tatou ia faaite mai i te hoê milioni taata eiâ. E numera rahi ihoa te hoê milioni. Na te reira anei e faatia i te eiâraa?

A mana'o na tatou e te vai nei hoê milioni taata tei haavare. E parau mau hoi, te haavare nei te tahi mau taata. Na te reira anei e faatia ia tatou ia haavare?

Hou tatou a rave ai i ta vetahi ê e rave ra, te maitai, e a ore râ, te ino, a haamana'o maitai tatou i te rahiraa o ratou tei roto i te mau fare tapearaa, e a ore râ, i roto i te mau huru peapea e rave rahi, no te mea ua rave noa ratou i ta veta-

hi ê
toa
pee
para
pa ta
hia
rau
rator

Na
tou i
faah
hoê
Ahir
hi ê
i pee
mea
roa t
e faa

T
To Ta

I rot
ho'a o
o Muri
onei, e
faaea
mai na
e faaea
te fare
Canada

hi ê ra i rave ma te hi'opoa ore i ta ratou i rave ra. Teie a-toa hoi te tahi, i te tahi mau taime te parau nei vetahi ê, ua pee noa ratou i ta te tahi ê atu i rave, e ere râ te reira i te parau mau. Te imi noa ra ratou i te hoê otoheraa no te ohipa ta ratou i hinaaro i te rave. E i te tahi mau taime e faatiahia ratou, i roto i to ratou iho mau mana'o, no te mea e parau ratou e, ua pee noa'tu ratou ia vetahi ê ra—e eaha hoi ratou e ore ai e na reira'i?

Na te reira huru parau e faaite mai i te tumu i rave ai ratou i te mea ta ratou i hinaaro i te rave, e eita roa te reira e faahuru ê noa'e i te ohipa i ravehia e ratou ra. Eita roa te hoê haavare e faaorehia na roto i to'na faarahi-roa-raa-hia. Ahiri te mau taata atoa i rave i te mau mea i ravehia e vetahi ê ra, aita roa ia e haereraa i mua. Ahiri te mau taata atoa i pee atu i te raveraa i te ino aita roa ia tatou i ite i te mau mea maitatai te faaairo i te oraraa nei ei mea maitai. Eita roa te parauraa e, ua ravehia te ohipa i ravehia e vetahi ê ra, e faaairo i te ino ei maitai.

Faaauhia ei reo Tahiti e Marcel Bonnet.

TE HAERE NEI TE EKALESIA I MUA

To Tatou Peretiteni Apî.

I roto i te hoê ve'a no te 25 no Setepa i mairi a'enei te faaitehia ra te ho'ho'a o to tatou Peretiteni Misioni apî, oia hoi, o LeRoy Mallory e to'na hoa o Muria. Ua ite tatou atoa ia raua a parahi ai raua, ei Peretiteni Misioni, i onei, e ta raua mau tamarii ra, oia hoi, o Roi, o Toata e o Carol Jean. E faaea na tamarii tamaroa i to ratou fenua e o te tamahine ana'e te haere mai na muri mai ia raua ma te apeeia e ta'na tane faaipoipo apî. Te tumu e faaea'i o Roi raua o Toata i te fare o teie ia, a tahi ra raua i ho'i atu ai i te fare i te otiraa o ta raua ohipa Orometua poro Evanelia, i Tahiti nei e i Canada hoi.

E Tereraa Oioi Roa.

No te haereraa'tu i te vahi i faataahia ei vahi raveraa ohipa na ratou, ua tere atu, i roto i te ava'e no Setepa i mairi a'enei, e 29 Orometua na nia i te pahi reva no te haereraa'tu, mai Tarafonia'tu, e tae noa'tu i Niu Terani e i Australia. Teie te atea o te vahi i haerehia e ratou na nia i te pahi reva, oia hoi, e 7.000 maile, e te taima tei pau ia ratou i to ratou tereraa'tu, mai Tarafonia i Vaihi, e mai Vaihi atu i Niu Terani, e toru noa iho ia mahana. Ua fanao ratou i to ratou tereraa.

Ua Itoito Mau.

No to ratou hinaaro rahi i te haere i te Amuiraa Atopa, i Roto Miti, ua haere e 30 taure'are'a, tane e te vahine, no roto i te nuu faehau, na nia i te pahi reva, mai te oire ra o Rantoul, Illinois, i Roto Miti, Utaha, e ua tere ratou no na maile e 1.440 na roto i te hoê pahi reva rahi tei tuuhia i roto i to ratou rima e te mau Feia faatere nuu faehau o to ratou oire ra.

I to ratou tereraa ua roohia ratou i te peapea machine, e no te ore o te taata hamani machine i te vahi ta ratou i tapae ra, na ratou iho i tatai faahou i te mau machine ia tia ia ratou ia haere roa'tu i Roto Miti no te Amuiraa Atopa ra.

E Parau Apí no Samoa.

No to ratou hinaaro rahi ia poro-haere i te Evanelia, ua haere te mau melo no te Fare Haapiiraa a te Ekalesia i Sauniatu, Samoa, na roto i te mau oire atoa o Samoa, tei uta e tei tahatai hoi, no te poro-haere-raa i te Evanelia a te Mesia. Ua noaa e 70 taata i roto i te reira pupu e ua haere ratou, ma to ratou pupu pû na mua ia ratou, e farerei haere i te mau taata o na oire e 25 i roto i na hebedoma e maha ra.

Te na ô maira te parau faaite, ua farii maitaihia ratou i te mau vahi atoa ta ratou i haere ra. E mea na raro noa to ratou haereraa i te rahiraa o to ratou tereraa, e i te tahi mau taima ua na nia ia ratou i te mau vaa rarahi te tia ia faauta e 25 horo patete ma te tai'o ore i te mau feia hoe ra. Te na ô maira te parau faaite e, ua manuia roa ratou i to ratou tereraa e a tahi ra te reira huru ohipa i ravehia'i i taua fenua ra.

Marcel BONNET Gérant et Imprimeur, Papeete, Tahiti.

